

經部

欽定四庫

全書經部 周易新講義卷一

詳校官侍郎臣謝 塘


通晓司副伙真好果 提勘 總校官無吉士臣倉聖脈

校對官中書臣王家賓 腾録監生臣朱學源

スハラショ 欽定四庫全書 周易新講義 提要 義疑為侍欽宗於東宫時經進之本前有南 簽書樞宏院與吳幵議戰守之說力主割地 仲字希道開封人靖康問以資政殿大學 南渡後遷謫以終是書舊本或題進周易解 臣 等謹案周易新講義六卷宋耿南仲撰南 周易新講義 經部 易頻

金好四四全書 艱險濟以人事 所以教占者以盡道其曰無 退存亡而不失其正作象傳稱雲雷七君子 尼山無大過之古然孔子作文言傳稱知進 各者何善補過之謂也又曰拂乎人情是為 仲自序曰易之道有要在无咎而已要在无 小過拂乎天道是為大過南仲是說蓋推 過者益論是非非論禍福也如催以无 經綸行止斷以天理所以教占者之守道 提要

アスララ 然大致因象詮理隨事示戒亦往往切實有 說有以中之是則經術之偏禍延國事者也 取所長可矣乾隆四十三年六 月恭校上 和依違遷就即此為求无咎與無拂天道之 神完勝於髙語元虚晦蝕作易之本旨者節 唐六臣輩亦將謂之知運數哉南仲畏戰主 為主則聖賢何異於黄老僅曰無拂天道則 周易新磷 總纂官臣紀的臣陸錫熊臣孫士毅



是也盖有體則定而不易其所陰陽合他其道人屢易 而不居者乃以其无體也易无體也易无體而有書 也繁雜之言易者屢矣一言而盡易之義者易无體 而行之而其變无窮馬是故特以變稱而命之曰易 則宜于變有所不能畫然而言象之間化而裁之惟 著以為書而滞于言象之間言有常理而象有常形 易之為言變也盖道之變名也道體常而盡變乃全 周易新講義原序 司易所簿覧

畫而已終于重卦重卦則有六爻馬以謂其六爻具 書乃所以為无體也易之為書始于作卦作卦則三 易之體爲得為无體故神有物乃所以為無方易有 物外者神之方鳥得為無方易不在書則是易外者 何也猶神无方而有着龜之神物也神不在物則是 以極道之者天之道日陰與陽地之道曰柔與剛人 **耳以故三畫象馬然而六畫則三極之謂也又有所** 而位判焉其定位易見而法象具惟天地人之三極

·新安四年全書-

死亡四年公等 日 道是謂大過聖人之作易順性命調而補之使天下 後世觀其象而玩其辭則獲自天之祐而無大過盖 乎自然之宜者皆過也拂乎人情猶為小過拂乎天 各者何善補過之謂也凡天下有侈乎至足之分拂 所謂善補過者孔子曰假我數年五十以學易可以 不見其緒矣雖然易之道有要在无咎而已要在无 剛柔變化吉凶悔吝錯綜其間探之不得其端循之| 之道曰仁與義總之九六故以六爻具爲六爻具而 周易新涛流

為真則失易之古矣 無大過矣以是知易之要在无咎而已然而易之生 **泵姑此而已非其真也猶象龍之非真龍也認象以** 是故經曰易者象也象也者像此者也以為易之為 **着倚數立卦生爻真筌蹄之寄耳所以為易則不在**

沙色四草全 地者形也陰陽者氣也即天地之形陰陽之氣而 上乾元亨利自 以乾坤為之蘊而已其所以出以乾坤為之門 一體也無體則無出無歲無出無歲其所 是也故天地譬則形體乾坤譬則精 周易新講義 不形有 闔闢氣有噓吹以成變 耿南仲 初九潛龍勿用 金ダログと言る 氣而已其於亨則流形馬至於利則質成馬氣形質 斂於秋為利老陰之凝於冬為貞萬物之為元也資 陰少陽之紀於春為元老陽之熙於夏為亨少陰之 時在人為仁義禮智之性 盖立天之道日陰與陽有少陽有老陽有少陰有老 其終復歸根者貞也元亨利貞在天為春夏秋冬之 而已故卦始於乾坤而乾者道也元亨利貞者他也

欠己の声心馬 九二見龍在田利見大人 變所以不窮也龍天類也飛躍而親上者也其所以 潛則非若馬之以維黎而不得逞也時馬而已時不 耗位有常忒而時又為消息盈虚於其間此六爻之 下言乎其位以二三四五乘之則言乎其數數有行 可以有為則雖有飛躍之才斯亦勿用而已 之言初以有終也言上以有下也初終言乎其時上 易為六爻以初上原其本末而中爻以二三四五乘 周易新滿美

九三君子終日乾乾夕惕若厲无咎 金分世母石量 時而利不在已然而亦有利馬見大人其所利也利 謂見龍之潛也是以能得其身之所利今見而在地 而成天下之大利耳 見大人非為可以利吾身利吾家也為其可以得志 之所利也乾之稱龍况聖人也聖人雖處人所利之 **豈其身之所利哉乃人之所利故稱為田馬田者人** 非徒處也且截於深渺之謂潛非徒出也有以自昭之

九四或雖在淵无咎 自朝至夕皆君子所有事也至於夜則君子不以憂 咎矣君子朝以聽政畫以待問夕以修今夜以安身 勤故抗馬何則以夜氣近本故也孟子謂夜氣不足 日乾乾夕惕若也知終日乾乾夕猶惕若則雖危无 九三之義可進而至可止而終進止之間一毫之差 不容也可謂危矣君子所宜進德修業之時於是終 以存惡喪本也故於惕若稱夕而已

Raid in the 19

周易新消義

=

多页四月至書 或終之義雖未終乎為君之事備猶舜之居攝之時 子言之九四則以或雖在淵言之獨不言龍何也龍 有或躍之勢然有在淵之理未純君德也故不稱龍 君他也九三雖有可至之道然有可終之義九四雖 馬就是二者言之則九四乾道華矣有必飛之勢无 合乎天時故无谷潛見躍飛皆言龍而九三則以若 也故以龍言馬或雖在淵豈非龍事乎乃若初九九 九陽也主健故言或躍四陰也主退故言在淵進退

改定四車全書 一 九五飛龍在天利見大人 **升然後可至是故匹夫而有天下德必若舜禹而後** 飛而不亢則有欲下之意 盖大人相利見者也 可也惟君非臣不治惟臣非君不伸然則二五之相 順而稱飛龍馬在天不可以階而升也必曰飛飛而 位以上為過而以下為順天徳不可為首故以下為 利見其勢然也九二出潛而見則有欲上之意九五 之言龍則遠君而兄嫌且言在下不害有君德也 周易折講義

上九九龍有悔用九見羣龍无首吉 悔各小疵也吉內則大矣上九雖窮上然未反下反 有悔之辭則變而趨吉也是以貴夫用九上避九者 言二陰之趣也然則上九特有悔而已悔既小疵又 陰陽之運積息而成盈盈則及消積消而成虚虚則 退知存而不知亡知得而不知丧是乃所以自悔也 下而二陰生馬始有凶若臨所謂至於八月有凶盖 反息此自然之機而天且不遠而上九知進而不知 かど言

性命保合大和乃利貞首出庶物萬國咸寧 文型DIE ALLES 大明終始六位時成時乘六龍以御天乾道變化各正 **参曰大哉乾元萬物資始乃統天雲行雨施品物流形** 聖人之作易仰以觀子象俯以祭子情而天人之理 欲致一故沒其羣則吉欲承上故比之无首則由君 為首則不止悔亡而更吉也以其知幾故也為臣則 則異於是見羣龍无首則古矣 陽數善變用九則退而能下見羣龍不自為首矣不 周易所满美

多岁口屋有量 物於此資始馬資始者孕精於窈冥之初而未有形 大哉乾元而已乾知大始而元者又四德之始故萬 相用事用事者主之則大矣特言萬物之資始故曰 哉乾元則言元而已元亨利貞四者皆大盖四者更 未及情言情而未及文也大哉乾乎言乾之大也大 思過半過半則未及畫者以言象而未及器言器而 乎象又以情言則易備於俯仰之間故觀其彖辭則 備矣繁辭曰录者言乎衆者也又曰爻表以情言言

10007 IN 1145 10 衆體而舉於上也此舉彼從无事乎擾擾故雲行雨 形則有始有終矣有始有終則物各成物而六爻自 萬民則民雖衆多而其分不可亂乘六龍以御天則 六位時成馬又能時乘六龍以御天也執八統以馭 施未當彫刻而品物流形馬大明終始不必叙正而 也乾元為萬物資始如元首之在上故能統天者會 初而至上亦若此而已故大明終始六位之爻所以 天雖變化而其終始不可亂也萬物自資始而至流 同易所消養

多好四届全書 時成也然動物之終始首尾是也植物之終始本標 有序其行有節而天亦弗能遠此聖人所以御天也 為終終不可以為始矣而乾則不然終而復始不窮 乘六龍以御天則乾道之變化兆矣乾道之變化異 此乾元所以御天也六龍之在人其潛見躍飛其進 在天其消息盈虚其進有序其行有節而天弗能遠 如環也故既言六位之定列又言六龍之變馬龍之 是也如動物之有首尾植物之有本標則始不可以 卷一章

: : : 将以熟為正哉用各隨其分則物物有正處物物有 物非物自正也乾道變化則無言輸力致之事宜運 而正之則各安其地莫知正處各甘其食莫知正味 於自然而萬物之性命各正矣且比夫天下之物擾 是者馬盖通於天地是謂太和散於萬物是謂委和 正味長短小大各遂其宜所謂各正性命也各正性 乎人事之云為人事之云為則以言諭力致所以正 命則物殊禀雖物殊禀然而一陷乎太和之中無外 月ろ斤寿気

萬物咸寧也首出庶物當言萬物咸寧而言萬國何 徳者人之所保也太和者物之所保也知保於太和 與天地同流而壅塞生馬保和所謂保汝之保盖盛 委和之與太和當通流而無間故人一體之盈虚當 也乾道即君道也上以天位言下以人事言盖互見 貞者哉功歸於利貞此乾所以首出庶物之上而使 而不離則扎瘥疵癘不生而物各適其性可不謂利 通於天地也惟萬物自委和人而不能保合故不能

銀定四庫全書

卷一条引

| 我曰天行健君子以自强不息 潛龍優霜之類是也若夫合此二體正名天地雷風 是也永亦象也所謂彖者言乎象者也爻亦象也如 而已夫易者象而已故卦亦象也所謂八卦以象告 經日立象以盡意又日象事知器由象以觀妙則可 以知意由象以觀微則可以知器隨其所觀之淺深 水火山澤者也其為泉則惟天行健地勢坤之類而 也猶所謂乾以君言也 77.7.1.10

銀定四庫全書 理矣彼君子之自强法天之行健而已则其强非力 且力分之外不可强欲強則雖勇於必用且拂而述 之以為修身之要者健而已故七德之中獨法其健 已故特比類以為象稱馬君子之於天無所不法法 分之外也非力分之外故能久而不息也魏氏之卒 也其強在力分之内而猶息則志不篤而已是以君 子惡乎畫也 東野之馬三日而失者以求之力分之外故

復道也或雖在淵進无咎也飛龍在天大人造也亢龍 有悔盈不可久也用九天德不可為首也 潛龍勿用陽在下也見龍在田德施普也終日乾乾反 而大德博而化言德風也有易俗之道馬田者利養 之地故言德施而已後言龍德而正中故言德博而 惡飛也德苑普與德博而化異德施普言德澤也利 龍者變化有為之才也所以勿用在下故也曰陽在 下者盖以龍之飛潛升降本乎自然之機非樂潛而

其所以在淵非特退也以退為進耳以退為進而不 鏡於進所以進而无咎也物以類則相名然不屈體 至是形勞而心惕也九四乾道以革有必進之理矣 日乾乾而至於夕陽也進而可與幾止而可與存義 若反為道復為非則君子去復而取及可也无為終 之則三為未至知終而終之則三為已至稱反復焉 化旋而未至為反已至為復九三之為交知至而至 及復莫非道也是以君子去取之際慎思而審擇之

動定四庫全書

文言曰元者善之長也亨者嘉之會也利者義之和也 已天德不可為首則失人 位則首出庶物矣徳不可為首天位不可為首則失 也而上九知進不知退知存不知亡所以有悔也天 **虚則與時息而復乎盈盈虚相尋問不容髮何可久** 以交物則未有能召其類者故亢龍在上則知賢人 无輔也況大人乎飛龍順下則大人造 馬况賢人乎 經日天地盈虛與時消息盖盈則與時消而反於虛 司易行清人

多定四库全書 物足以和義貞固足以幹事君子行此四德者故曰乾 貞者事之幹也君子體仁足以長人嘉會足以合禮利 元亨利貞 言而乾坤又以文畫辭者也乾坤易之縊不如是不 為解脩解而為文也然則聖人之於易既繁之辭而 孟子曰說詩者不以文害辭不以辭害志盖道志而 足以闡幽而發微也元亨利貞在人莫非善也而元 又有文言者解以盡言文以盡辭也諸卦皆以辭盡 卷一日日 - 31.17 S. L. 陰陽之交鬼神之會五行之秀氣然則天地之大美 日亨嘉之會也仁圓而義方故守義者常執而不奪 有泉達之喻而又有茅塞之况者盖欲亨其心也故 為充實之美其心塞則聚美散而為罔生之民孟子 或散於外在其心之亨塞而已其心亨則聚美會而 為人之尊。爵也故曰元者善之長也人者天地之德 介而不通有殺身者馬知屈信相感之理則可謂有 萬物之眾盛廣大兼有於所性之中矣其或會于中 問易所購養

多定四库全書 者仁之能取數之多無不備乃謂之體仁體仁則在 本於質幹猶事之本於性者也貞者性也故貞者事 利而其為義也和妥故曰利者義之和也物之生有 備君子謂之不成人體者言其體而已盖仁數之多 之幹也元者善之長也故君子體仁足以長人體不 上而人不惡在前而物不害故足以長人也何謂嘉 温良者仁之本敬慎者仁之地寬裕者仁之作遜接 華藻有質幹質幹譬則性也華藻譬則事也華藻之 卷一

會足以合禮傳曰動容周旋中禮盛徳之至也夫衆 中而彪外耳故曰嘉會足以合禮何謂利物足以和 物之義則行儉以節而不失其說用健以夬而不失 儉以節或用健以共者皆義也以利物之德而行制 美會於一身而充實則德可謂盛矣動而與合則彌 其和既使勞而不怨又使死而不怨馬故曰利物足 義義者天下之制也所以制者所以制物者也或行 以和義何謂貞固足以幹事經以盤為事以事易壞

大三日年 公馬

周易新磷美

重吳口屋台雪 故也事易壞而性不變故稱貞固馬惟不壞者乃以 為易壞者之幹觀物之華藻質幹則知之矣故曰貞 德也有大美而不言則元亨利貞之名有不著矣惟 與君子行此四德者故曰乾元亨利貞何謂也傳曰 人之用智常於沉潛不測之間此所以不言智之意 禮和義而不言智何也智於五行為水水性隐伏故 固足以幹事元亨利貞則仁義禮智也上言體仁合 天地有大美而不言夫元亨利貞之四徳蓋乾之大

這之確乎其不可拔潛龍也 世不成乎名遯世无悶不見是而无悶樂則行之憂則 初九日潛龍勿用何謂也子曰龍德而隐者也不易乎 由德而著故以謂君子行此四德者故曰乾元亨利 負也 君子法天而行此四德者可見也則元亨利貞之名 也不易乎世是内不化也九二之稱善世盖聖人之 聖人外化而內不化以飛躍之才屈而從之是外化

とこり me to suito ||

周易新磷義

也盖聖人未出而善世則所謂世者汗世而已不見 譽而已不見是則有毀之者馬有毀之者而无悶何 伐不以避世為有丧故避世而无悶不成乎名則無 見也其未見而潛則不易乎世不為世所易而俗之 是於汙世則必與汙世遠者不見非於汙世則必與 而不成乎名馬聖人不以善世為有德故善世而不 所好已獨損之俗之所嫉已獨取之是以與之易寡 汙世合者與汙世合而不見非乃所以為非與汙世

金与四周台書

とこりをなから 九二日見龍在田利見大人何謂也子曰龍德而正中 這而不見是乃所以為是也又何問之有哉聖人達 行遠不以天下而徇我則非其心不遠矣夫口可教 不可接潛龍也 紛紛者又惡足拔其心之所不為者哉故曰確乎其 而使言點形可劫而使屈伸惟心不可使易意然則 則行之憂則遠之所謂獨居而樂獨思而憂是憂樂 則憂以天下樂以天下其窮也憂樂狗我而已故樂 周易折講義 ま

金河口屋有量 博而化易口見龍在田利見大人君德也 者也庸言之信庸行之謹閉那存其誠善世而不伐他 故也夫言行君子之所以動天地也言行所以能動 於言行故庸言信庸行謹也言行必稱庸者以龍德 龍德而正中也言正則无擇行中則无與以中正達 變化代與在下如龍之在田則正中是守而已故日 聖人以中正為德以變化為道在上如龍之在天則 天地以發於至誠而已繋辭言於中孚九二者為此

たこの良な馬 故繼之以善世之功革惡俗以為美俗化悍民以為 也然則庸言雖信庸行雖謹又必開邪存其誠善世 而不伐者也必開那存誠者備育獸之驅豺狼育魚 職也善世則吾職當治耳何足移哉是以不代也聖 之於編賴也言行發至誠而天地為動而況於人乎 逸民也其功亦大矣而聖人之心以為教化者吾所 人之德潛則淵泉如淵見則溥博如天不可窮也故 九二曰徳博而化也 周易斯講義

子進德修業忠信所以進德也修辭立其誠所以居業 无谷矣 上位而不驕在下位而不憂故乾乾因其時而惕雖危 九三日君子終日乾乾夕惕若屬无咎何謂也子曰君 也知至至之可與幾也知終終之可與存義也是故居 君子之於德業不侍至於九三九四而後進且修也 以謂九三有可終之理九四有或雖之勢則尤宜修 事以副天命之時故以進德修業稱馬忠者不欺

金岁口四百十

其誠於民上若標表然後使民觀而化斯可以居業 忠信故日修辭立其誠凡物立之則見化之則隐立 其誠則其於辭也必加修馬修辭而誠立斯可以為 然則信待言而後出言待文而後足也故君子欲立 之安矣所以能進德傳曰言以出信又曰文以足言 矣盖馬駭與君子不安與庶人駭政則君子不安政 之謂信者不疑之謂不欺則有充塞之質不疑則居 不安政非所以居業也故必立其誠使民信之而無

女已り車在馬

周易新講義

九四日或躍在淵无咎何謂也子曰上下无常非為那 危疑之心則無

駭政之病然後能居業也知九三之 逸而乾乾則是居上不驕也在下不憂則惕非因時 而終之則守固者也故可與存義居上而驕則必暇 可至而至之則先見者也故可與幾知九三之可終 也安其危則宜有各乾夕惕則非安其危者也馬得 也不樂居早耳今因其時而惕則是在下位而不憂 有咎哉故曰雖危无咎

分与以上是人言

各 也進退九恒非離羣也君子進德修業欲及時也故无

六爻或稱六位或稱六龍位則有上下龍有進退故

是上下无常也或雖而進或退而在淵是進退无常 於是言上下又言進退也九四上不在天下不在田

也上下宜有定處今上下无常則疑於為那者也進 退宜有常度今進退无常則疑於離羣者也所以上

下无常而非為那於身進退无常而非離羣於人者

12000 me 121 mg

氣相求水流濕火就燥雲從龍風從虎聖人作而萬物 九五日飛龍在天利見大人何謂也子曰同聲相應同 聖人非能違時時至則能弗失也時至而德之不進 業之不修失機會矣得无咎哉故君子進德修業欲 及時也故无咎 之德舊矣至其将集大命又申勸之與此合矣傳曰 又申言猶書所謂申勸寧王之德是也上帝勸文王 以君子進德修業不失時故也九三進德修業九四

金罗巴尼白電

想本乎天者親上本乎地者親下則各從其類也 就燥自下而就上也雲從龍自下從上也風從虎自 相應非若言之刼而至也水流濕自上而流下也火 相利見以聲氣水火雲龍風虎自然之象言馬同聲 日月其誰不覩哉九二作而天下文明九五作而位 於招來板舉之力也其感名出於自然故於二五之 聖人所至必以類至者固非利誘而勢驅之亦非出 上流下也而上下之變相利見也夫聖人之作如揭 司易斤店克

級定匹庫全書 **→** 上九日亢龍有悔何謂也子曰貴而无位高而无民賢 其日本乎天者親上非必二從五也五之從二亦是 **聚人之相求本乎下者也聖人之相求本乎上者也** 也孟子曰聖人之於天道凡以天道相親者皆本乎 固不同矣人亦若是本乎天者親上本乎地者親下 乎天德則萬物所同覩也覩之則從而親之必其本 同然後親馬萬物之生有上首者有下首者此其本 天者而親上者也非必以其位之上下也 卷一十十五

人在下位而无輔是以動而有悔也 健則利涉大川今賢人在下位而无輔則動而有悔 輔也夫賢者為之輔則雖涉難可也故大畜尚賢止 矣而上九過之是高而无民也天位失而不存民散 則大人造也大人造則是天下之父歸之民則子來 不亦宜乎 而不保雖有強力熟能輔哉是以賢人在下位而元 九五位乎天德矣而上九過之是貴而无位也九五 į

乾元用九天下治也 舒定四庫全書 躍在淵自試也飛龍在天上治也亢龍有悔窮之災也 潜龍勿用下也見龍在田時舍也終日乾乾行事也或 亦以其下也然以井之稱下則語其性潛龍稱下以 辭害志也井之所以不食以其下也龍之所以勿用 此釋初九九二其終與井卦初六之象同井之初六 下也見龍在田時舍也其辭雖同其志則異不當以 日井泥不食下也舊井无禽時舍也此曰潛龍勿用 灭

時勢然也井之无禽則時舍也龍之在田亦時舍之 所謂時舍者歌語獄訟不歸而已又九五在上萬物 然而井之時舍則語其德見龍時舍則見天命然也 盈之則災斯至矣故曰窮之灾也經曰終止則亂又 居上以治也天口炎人曰皆天道虧盈而上九時而 **想馬則九二雖有君德歌謳獄訟不歸矣謂之時舍** 也或雖在淵以自試非果或也故曰自武也上治者 不亦宜乎終日乾乾必有事馬非徒勞也故曰行事

大江の西江西

周易新講義

食与口人人 潛龍勿用陽氣潛藏見龍在田天下文明終日乾乾與 時偕行或雖在淵乾道乃革雅龍在天乃位乎天德亢 龍有悔與時偕極乾元用九乃見天則 變而属一此之謂也 故乾元用九天下治也用九言變也傳曰九變也復 口窮則變變則通失終則亂窮而變通理之自然也 此 天氣明之其說是也稽之於人事而人事同驗之於 潛龍勿用下也至乾元用九天下治也輔嗣謂以

2 ... O ... Zi zi **德惟九五為能備也且天之德高明溥博變化不測** 中也故日乃位乎天德不日天位而日天德者天之 四去下卦而與上同體故曰乾道乃華九五尊位大 天則不動其心所以終日乾乾者與時偕行而已九 見龍在田而天下文明則散而成章之謂也聖人樂 天氣而天氣同此聖人之出處所以天人弗能遠也 以其利澤萬物則為龍以其發育萬物則為陽氣初 九在下則陽氣潛藏之時也物合則成體散則成章 司易所隣是 Ī

乾元者始而亨者也利貞者性情也乾始能以美利利 天下不言所利大矣哉大哉乾乎剛健中正純粹精也 遼也當不識不知以順之故曰乃見天則也 乾元用九是也知是則繼如有終而有始其序不可 猶進而不已悔斯至妄聖人與時偕極故窮而變者 中庸者稱之也上九與時偕極之時至是而不知極 **豈人臣而能體哉於九四稱乾道於九五稱天德者** 四欲躍上故以極高明者稱之五欲飛而下故以道

多好四周五書

卷一……

六爻發揮旁通情也時乘六龍以御天也雲行雨施天 下平也 ている から 亨之使流形又制之以利貞之性情馬則乾之造乾 物生翼其性情而已受命賦形而賦之性情則乾之 利對情而言地之於萬物生載其形而已天之於萬 相養情不利則性亦不貞性不貞則情亦失其故以 既是矣此為以美利利天下也性貞而情利二者交 元者萬物之所流形是則物始而亨矣始之使受命 問易所講義 Ī

金兵四年全書 故為良馬為老馬為威馬陰陽之交為冲氣則其中 所以兼此其利所以為大不可名言也剛健中正統 粹精此乾之德也以其剛也故為王為金以其健也 之雜為嚴不紀不嚴則精天一物也其道有陰陽是 也陰陽之辨有定位則其正也兩物不雜為純一物 其得一以清故也統而後粹粹而後精精則入神矣 物之疑於雜而不純也其純而不雜粹而不交者謂 以一物之雜也疑於雜而不粹也其交氣於坤是兩

C. 7 見行而未成是以君子弗用也 君子以成德為行日可見之行也潛之為言也隱而未 所以惟天為大而孔子數之也 其德則大德咸備其下足以旁通情也其上足以御 情者以天地之精與物之情本通故也乾之為乾語 斯德之盛也夫天地之精與萬物之情通故其所感 天雲行雨施則其利澤均平而无彼疆爾界此乾之 所久所聚而天地萬物之情同見馬爻之發揮旁通 司易所精克 Ĭ

龍在田利見大人君德也 君子學以聚之問以雜之寬以居之仁以行之易曰見 多近四年全書 内充實而外光輝者明中而隐外也君子之德成而 灼然矣非所以為潛也故當隐而未見行而未成君 徳日可見之行當此之時乃亦用其光則孔子之用 子亦弗用也 无虧盖所謂充實而成者也故以為行則有光輝之 聚者積小之名君子之學也天地萬物之理古今治

故問以雜之九二有學問之象者以君德而處下體 之所以利澤之材而居利養之所則仁之及物深也 有資納於物之意馬學問修性者也寬仁則其性得 居有餘裕也仁以行之龍有利澤之材而田為利養 四之疑上不為文武之汲汲下不為仲尼之皇皇而 見多矣間而不集其善多見不識其真則徒自惑耳 亂之變无不旁搜而遠取者所以聚之也聚之則聞 矣寬以居之者謂九二行在中而無九三之憂無九

とこりをから

周易新游说

田中不在人故或之或之者疑之也故无咎 而惕雖危无咎矣九四重剛而不中上不在天下不在 九三重剛而不中上不在天下不在田故乾乾因其時 勢尤迫也此九三所以懼而九四所以惑也勇者不 懼於其不足懼可也如其可懼則雖聖人之大勇猶 九三九四皆以剛復剛是以重剛也三過四不及是 九三上不在天下不在田而勢將至矣九四又不中 以不中也其材重剛而不中則動必為非常之事矣

銀好四月日書

序與鬼神合其吉凶先天而天弗遠後天而奉天時天 夫大人者與天地合其德與日月合其明與四時合其 不疑乎 是也王通曰天下皆憂吾獨不憂乎天下皆疑吾獨 可也如其可惑雖聖人之大知循將惑焉九四之或

将有所懼馬九三之惕是也知者不惑於其不足惑

大三日日 から

且弗遠而况於人乎况於鬼神乎

天地陰陽之形日月陰陽之精四時陰陽之序鬼神

周易新講義

Ĺ

金牙口母台書 故不足以合天地之德非宜照天下故不足以合日 德馬鼓舞動化有妙德馬與日月合明故知彰也猶 陰陽之靈四者不離子陰陽不離子道夫人能體道 九二亦大人也未足言此何也九二臣也非位之大 故其進退有庭與鬼神合其吉內故其賞罰無私馬 天地合德故無不覆悔無不持載且生育長養有大 則與天地合徳日月合明四時合序鬼神合吉运矣 日之呈乎畫知殺也猶月之呈子夜與四時合其序

大三日 mat At Auf 人子 **克之為言也知進而不知退知存而不知亡知得而不** 知丧其惟聖人乎知進退存亡而不失其正者其惟聖 故曰况於人乎 威福故不足以合鬼神之吉凶此所以獨言九五也 而奉天時馬天且弗遠此大人之在上所以能馭也 天法道故以道先天而天弗遠馬以身殉道則後天 月之明不得兼進退故不足以合四時之序不得擅 Į 周易新磷義 兲

亨牝馬地類行地无疆柔順利貞君子攸行先迷失道 資生乃順承天坤厚載物德合无疆含弘光大品物咸 主利西南得朋東北丧朋安貞吉彖曰至哉坤元萬物 ■■神上坤元亨利北馬之貞君子有攸往先迷後得 為有得身退而其位亡遂以為有丧此人情之常也 聖人乘天下之變與之俱逝而无所緊於其心是以 進退者其時也存亡者其人也身退而其位存遂以 无丧而進退存亡不失其正也

金兵口母台電

大二日臣八書 後順得常西南得朋乃與類行東北喪朋乃終有慶安 貞之吉應地无疆 龍為順視牛為健盖其才健至順者也臣之道不欲 間臣道不出於位賢人之分亦有官庭擅守以守之 健勝順故利在牝馬健不勝其順者也然而健不勝 也故乾不言所利坤則利牝馬之貞夫馬之為物視 而不敢喻也則坤之為義盖有方矣異乎神之无方 坤之為道妻道也臣道也賢人之分也妻道不出於 周易新講義

丧故利西南得朋東北丧朋矣然以得朋為得以丧 為馬而坤之貞亦為馬其象上同於乾故有先迷之 也地无以寧將恐發故欲安貞也凡物雜乎芒芴之 顺則患其柔從而无立志是以有攸往必君子而後 朋為丧則異乎聚人之得丧也安貞猶所謂安汝止 存亡而不言得丧以聖人无得亦无丧故也聖人有 理馬然其馬牝馬也故有後得主之道馬乾言進退 可也君子於仁也柔於義也剛而健順两進故也乾

金好四月五十

大三リシ Aisi 資始者資之於氣變之先所以資生者資之於形變 **德又足以合其无疆之行猶所謂踐形者也坤有无** 者順也其為與者承也坤厚載物德合无疆言坤之 生生而繼之之為順自下而承之之為承坤之為牛 間必變而有氣氣變而有形形變而有生然則所以 以能廣大也含者傳所謂地隐魄營者是也宏者傳 疆之形又有无疆之德以合之此所以能持載亦所 之後此乾知大始坤作成物之意也乃順承天者自 周易新講義

乾之亨是也坤則亨品物之情而已故日品物咸亨! 也坤之利不在龍者龍不足乎順且非地利故也又 地无疆也柔順其易入於那柔順而不入於那者君 其健足以行地无疆者非馬而何故曰牝馬地類行 動也此其業所以光大故曰含宏光大品物流形者 氣則萬物之流形自含而宏則是納而後施養而後 所謂地載神氣者是也隐魄管則萬物之會歸載神 不在牛者牛不足乎健行地无疆故也其順為地類

金牙四母子言

とこうがたい 能應地无疆乎傳曰其用心不勞其應物无疆與此 應地无疆馬不能貞而為事則不終朝而力屈矣安 必稱行其道也傳曰定公然後能應故必安貞然後 其類行也馬與類行者猶否之初六以其彙征吉未 在道臣謹法故也西南者坤方也坤之在西南則得 為君則天可先也亦可後也以賢人而為臣則君不 子之所行也故曰柔順利貞君子攸行也以聖人而 可先也可後而已故曰先迷失道後順得常者則君 周易斯满莪

象曰地勢坤君子以厚德載物 至堅水也 初六履霜堅水至象日復霜堅水陰始凝也馴致其道 輸載者亦惟厚徳而已 **積不厚則不能負天君子所以負天下之至重而不** 者所謂人法地故也水之積不厚則不能負舟風之 同意 地盤而向乎上勢至順也故曰地勢坤君子以厚德

金为四月月月

火心口見 なよう 六二直方大不習无不利象曰六二之動直以方也不 **智无不利地道光也** 乾為水而坤之充亦為水由馴至其道耳 柔順則疑於不直然而六二中也中則不倚故能直 則勢必至亦若此而已夫竟為龍而坤之極亦為龍 秋冬又為序理必至者也小人之長而不如懲其微 水水則甚堅而難泮此戒夫陰長也夫霜之與水與 初六陰始凝而為霜霜則甚徼而易散霜積久而為 周易新磷莪

哉能生萬物不私而知其直成萬物不易而知其方 者伸非固握之是乃所以為直也火可城而不可使 則是方因動而後見故曰六二之動直以方也古者 之間水可酒而不可使之炎縣者醫之則泣枝者戲 而不以直成萬物而不以方則拂性而迷理馬能大 方也物性長非所斷短非所續甲者拆非固剖之屈 順則疑於不方然六二正則不變故能方夫坤之於 一則啼是乃所以為方也直方故能大若夫生萬物

金公四周白電

六三含章可貞或從王事无成有終象日含章可貞以 欠正日臣 二 時發也或從王事知光大也 乾聖人之分也而曰學以謂聖雖絕學有中才馬有 與同也坤賢人之分也而日不得者以謂賢雖務學 未能則學已能則習先學而後習故乾言學坤言習 有良能馬不必習也 間矣習之後利道之常也不習无不利地道之光也 深衣則負直而抱方則是君子動容不確乎直方之 周易新講義

金好四周百書 為乃所以為光大故不敢遂事而為光大馬无成有 稱也人之有智不必自照而後光大也能為而能不 遂事之謂也不敢執一而東西南北惟命之從是以 有價自天象也中正也臣以布散為道故坤之六三 正君之道為未貞也欲其以時發也或從王事者无 則曰可貞而已含章而不發則臣之分為貞矣然而 散為道也君以含藏為道故姤之九五含章可貞則 **爷之色君則以朱臣則以赤君以含藏為道臣以布**

六四括囊无咎无譽象曰括囊无咎慎不害也 之前也烏能无谷哉 免乎君子之咎也雖足以要一時之譽未免乎君子 之閉是以體坤之翕而括囊馬枯囊則无咎亦死譽 坤之静也翕動也闢其翕闢惟時而已六四當天地 成則先迷失道矣 矣若夫括不以時則為素隐雖足以避一時之患未 終則以謂君造始臣代終君臣之大分故也臣欲有

使定四車全書

周易新祷義

圭

六五黄裳元吉象曰黄裳元吉文在中也 此而已矣 坤之色以黑為正以黄為美服之制上為衣下為裳 固在其中矣加磨琢馬使其成章然後美在其中矣 所謂美在中者也人者陰陽之交五行之秀氣則文 為裳非若龍戰者也是以元吉也文在中者即後之 色之見於外也為黄非若括裹者也位之正乎下也 所以先文而後言美也美然後致用六以大終本諸

六利永貞象曰用六永貞以大終也 上六龍戰于野其血玄黃象曰龍戰于野其道窮也用 能期月守則非所謂永貞也上六之戰非一朝一夕 用中而能永貞則六五之元吉不難至矣用中而不 而後用六以謂用六則无是戰也盖六者陰之中數 而後用九以謂用九則无是亢也用六者非至於戰 而傷陰陽皆窮矣故曰其道窮也用九者非至於亢 怪與陽同稱龍陽與陰同稱血則以陰盛而敵陽微

沙色日奉 三馬

周易新鹊莪

含萬物而化光坤道其順乎承天而時行 文言曰坤至柔而動也剛至静而德方後得主而有常 ヨタロ人と言 静故言之以至静馬前曰六二之動直方也則是動 者是其動而剛也雖至柔而動則剛雖動而其歸則 時乎静然坤之為静則至静矣故此稱至柔至静馬 坤至柔然其動也剛若氣凌於下而萬物生不可禦 乾剛也有時乎柔然坤之為柔則至柔矣乾動也有 之故其所由來者漸矣故曰非永貞不可也

大江口中心的 時乎剛動而終不遠乎柔静所以化光也若柔而不 者其行故也行以柔而動既剛而静則其剛不失於 至静者後主之道也雖有時而剛動而終始不遠乎 方此所以後得主而有常含萬物而化光也盖至柔 而後方可見也今日至静而德方然則坤之動静皆 能動如疲懦動无能為之人雖足以含受於物又安 至静則是有常者也至柔至静含萬物之道也雖有 可見矣於静而正稱徳者其性故也於動而方稱義

周易折消戒

嘉

積善之家必有餘慶積不善之家必有餘殃臣弑其君 金月四月日言 子弑其父非一朝一夕之故其所由來者漸矣由雜之 不早雜也易曰復霜堅水至盖言順也 後至馬積而至循前藥之長不見其進而忽馬而已 自上制下則其勢易自下制上則其勢難故必積而 承天而時行耳此坤道所以為順故曰坤道其順乎 能化光也哉坤以安貞為德則其行非其性然也柔 承天而時行

欠心の声心動 **逼其正也方其義也君子敬以直内義以方外敬義立** 而德不孤直方大不習无不利則不疑其所行也 高大矣是在雜之早也大抵善者不求人知不善者 直其正也言直出於其正也方其義也言方出於其 知器者孰能與於此哉聚人之性從善如登從惡如 傾小人之從惡則其順如傾非有以逆其順則其勢 彌大沛然莫之能禦矣故曰履霜堅水至盖言順也 又深自閱藏而不欲人之知也則辨之於早非觀象 周易折清義 孟

陰雖有美含之以從王事弗敢成也地道也妻道也臣 立而德不孤是所以為大也夫事出於習則行不能 敬言徳其實一也君子敬以直内義以方外敬義兩 有哉故曰不疑其所行也 義也盖直雖善矣而有所謂直而肆其出於正則直 无疑不智无不利則左右周旋无往而不可何疑之 而不礙矣上言直其正下言敬以追内何也正言性 而不肆矣方雖善也而有所謂方而礙出於義則方

金为四周白量


大三日草 AL MES 盖言謹也 天地變化草木蕃天地閉賢人隐易曰括囊无咎无譽 道也地道无成而代有終也 循道而趨則其與天地萬物同流乎消息盈虚之變 成也弗敢者於分有所不敢非其才有所不能也 時發而已不然則是包羞而已何足貴哉故曰弗敢 通於天地者德也行於萬物者道也賢者放德而行 括囊則與天地俱閉而不發也含章非不發也特以 周易新講義 卖

事業美之至也 君子黄中通理正位居體美在其中而暢於四支發於 金好口及台灣 矣故天地變化草木蕃則賢人見天地閉草木彫則 賢人隐然則賢人之隐見通乎天地應乎萬物固為 慎在心謹在行 謹也盖括囊非賢人之文以天地萬物猶然顧不得 不括耳此所以有天地草木之稱也前言慎後言謹 黄中通理釋文所謂黃也正位居體釋交所謂家也

K ... 19 101 1.14.10 在山而木潤淵生珠而雀不枯其美在其中而暢於 諸中故曰美在其中而暢於四肢發於事業也且玉 日正位居體黃者美善之見乎外也其見乎外必有 盖中者是两端之所合四旁之所會故欲通上下而 四肢者亦若是而已孟子所謂晬然見於面盎於背 無不偏通四方而無不倚者莫若中是以謂黄中通 下六五猶黄裳之在下此善正位以安居其體矣故 理君正位乎上則體安於上臣正位乎下則體安於 同易新游苑

金岁也是白雪 赭為碩人盖德之潤身固如此也暢於四肢則成已 者足矣發于事業又所以成物也上以美政下以美 美之於中未見於四支而強欲發於事業則是聽人 不發於事業是猶美王而藏於垢石也孰知其美哉 充實於天下是為美之至也美在其中暢於四支而 俗此之謂發于事業發於事業非特充質於其心又 施於四體而荀子以客止不枯為君子詩以赫如渥 而欲郊顰於西子也烏見其美哉故必美在其中而

陰疑於陽必戰為其嫌於无陽也故稱龍馬猶未雜其 Rail Died Little For 類也故稱血馬夫玄黃者天地之雜也天玄而地黄 暢於四支發於事業始得為美之至也 與黑為玄而赤者陽之盛也黑者陰之正色两者合 而為玄玄為天之正色則陽得兼陰在陽宜盛陰宜 微也天玄而地黄義見於是也 也為黃稱天玄而地黄則是陽微而陰盛也且赤 色以玄為正其盛也為赤地之色以黑為正其 闷易新猪发



經部

周易新講義卷二

詳沒官侍郎臣謝 墉

總校官無古士臣倉聖脉

校對官中書臣王家賓 謄録監生 臣朱學濂

をこりをとう 等臉中大亨貞雷雨之動湯盈天造 應以相與之道又坎在始交而難 見勿用有役往利建侯录日也剛 用易新購我 各也也之下體震而震則示 我无各也剛上而柔下各正 耿南仲 踩之性而在乎險中則疑若犯險而有行故有勿用 之勢則天下之險迎刃而解矣所以大亨貞也雷雨 **平險中而有為馬聖人以極患濟難之才而乘必解** 以滿盈則將溢而動矣勿用有攸往可也盖震為决 之動淌盈言所以勿用往之意也以為雷雨之動既 是以知屯有必解之道也屯有必解之道故聖人動 物之始生也物之始生雖屯終必條達而極於高大 生是乃所以為屯也然有必解之道故序卦曰屯者

金百四月百重

大小り町上生 有為而亦有所謂无為者盖屯之義以天地則雷雨 勞臣民有君道馬則是有為而亦有所謂无為也雖 而已萬物自然之生特可輔之而已不可一於有為 之動以萬物則物之始生雷雨自然之動特可化之 昭著而不昧則宜建倭而不寧馬建侯雖臣也然其 草而未齊昧而未明若夫使萬事整治而不草群情 以拂乎自然之宜也故雖有所建而所建亦有无為 往之戒馬然勿用往豈无為哉造始而巳天之造始 周易新講義

象日雲雷屯君子以經綸 多好四月百月 之君道也

經肯綮之未嘗而天下之難自劃然而已解矣此經 君子之有為於此以成解也豈有他哉因其固然技 經綸者盖若治絲然分而理之則治綠而棼之則亂

綸之意也

初九盤桓利居貞利建侯象曰雖盤桓志行正也以贵

下贱大得民也

CODIN LIL 象以義言之則聖人迫而後動不得已而後起故稱 匡以生方也之時上之分也亂而罔克胥匡以生 為有邪之嫌今初九盤桓則亦有蹢躅之嫌馬其以 盤桓馬天地之解萬物也以雷雨雷雨之動或退而 以卦言之則初九以震在下故動而未進有盤桓之 剛動而志行正地者非蹢躅之比也民非后罔克胥 動盤桓者亦猶震動之隱而施之祁祁上下光常則 驟則不能終朝而其科不盈然則康屯之所主以其 問易所清死 Ę 则

六二七如追如乘馬班如匪冠婚媾女子貞不字十年 乃字祭曰六二之難乘剛也十年乃字及常也 多好四年全書 志在於應五者乘馬而欲行難在於迫也故班如而 有待二欲應五而初九為之偏若為冠者也而初九 之情求合而已故曰匪冦婚媾夫婚媾者人之至情 水就下故曰以贵下贱大得民也 初九以蘇構求二而已以女子柔弱之才能不字者! 人求主之時也而初九能以貴下賤則民之歸之猶 とこうらんは 六三即鹿无属惟入于林中君子幾不如舍往各象曰 即麂无虞以從禽也君子舍之往吝窮也 九以正故也夫屯有必解之道以静正待之十年斯 故稱鹿馬上體坎也幽險也故稱林馬屯難人求其 幽險之中而已若然則屯雖求主之時殆不如舍之 主之時然欲不度而即上六是循即應无虞惟入於 上六遠在一卦之外而不可即猶野物之善走者也 及矣故曰十年乃字反常也 周易新講義

六四乘馬班如求婚媾往吉无不利象曰求而往明也 往求而後往則去就之義明矣盖求而不往謂之固 雖體超下之性然柔而正也故乘馬班如待求而後 臣之於君聘而後往往而相親有婚媾之道馬六四 君子不能无吝窮 不求而往謂之躁非所謂明也且求而不往則利 六居三非守常者非君子不能舍也不舍而往則雖 愈也其稱君子也以謂體决躁之性居動之極此以

金牙四月分章

九五屯其膏小貞吉大貞玄象曰屯其膏施未光也 Colonal Little 上六乘馬班如泣血速如象日泣血速如何可長也 六二之乘馬班如其勢不得不待也六四之乘馬班 廣生今也其膏則豈足以康屯如而為解出納之谷 謂之有司故小者以為貞則吉大若以為貞則凶方 解之所以為解者以雷雨溢而作也雷 雨博施草木 於一身不求而往則凶害隨之吉无不利其可得乎 屯之時尤不可以屯其膏也占不亦宜乎 司易斩将先

中也再三瀆瀆則不告瀆蒙也蒙以養正聖功也 行時中也匪我求童家童蒙求我志應也初筮告以剛 漬則不告利貞录日蒙山下有險險而止蒙蒙亨以亨 ₩ 上蒙亨匪我求童蒙童蒙求我初筮告再三演 險以遠之為善故險在前則止止則不犯險者也險 馬班如宜其憂傷而至於泣血也 不待者也九五非應非於義不得不待者也而循乘 如於義不得不待也上六可以出險矣非其勢不得

多好四母分書

とこりえ とち 蒙之道又有異順求亨之時此蒙之所以亨也時中 有亨之道而九二以剛中亨蒙之道行馬有剛中亨 蒙有亨之道馬盖人之性至明始有蒙之故不得明 云者與時適當不先時亦不後時也九二屈而在下 在中則肯動動則免乎險者也蒙之為卦險在下可 而明復其初矣人之蒙亦若是故蒙有亨之道馬蒙 猶鑑明而塵蒙之也塵雖蒙之鑑之明故在也拭馬 以動矣而循止非其勢不可智不足也故於卦為蒙 周易所隣龙

告馬以惑而告之其感滋甚故也蒙者盖若重蒙然 童蒙求我志應云者以誠應而無隐乎爾之謂也學 者占中否於教者猶之筮贵不瀆故曰精以卜筮神 動其變初筮則其志一故告馬待初筮而後告者剛 五尊而在上疑若不求我者然六五順以巽也故曰 不知所如往此易於養正也其所以養正而不入於 也得初筮则告之者中也再三則瀆而志不一故不 疑若求童蒙者然九二剛中也故曰匪我求童蒙六

翻定四母全書

3. 1) A. J. ... 象日山下出泉蒙君子以果行育德 蒙者物之釋也物稱不可不養而泉者養源於山者 告之恐其演蒙則不告馬如是則蒙者由之養正非 也養源於山故其出不窮流於川瀆而放於海君子 聖人之功而誰與書曰聖時風若又曰蒙恒風若聖 之果行育德當若此而已以成德為行此由中出教 與蒙反者也非聖人不能使蒙養正矣 邪者此則聖人亨蒙之功也盖求我而應之益我而 司力丁山

以正法也 初六發蒙利用刑人用說桎梏以往各象日利用刑人 宜在初六之時矣又日小懲而大戒小人之福也然 時敏厥修乃來行之不果非所以育徳也 者之事也以果行育徳此自外出學者之事也學務 初六發蒙其義如此發蒙使之見善也利用刑人使 之遠惡也傳曰時過而後學則勤而難成然則發蒙 隙之見小有物蒙之也為發其蒙之者則所見大矣

多定四庫全書

311

とこり きいい 九二包蒙吉納婦吉子克家象日子克家剛柔接也 吉于家者也克之為言公勝私也公勝私用是義勝 言平章者家道貴包蒙恩也納婦禮也六五以柔應 恩以六五以父而用柔而九二以子用剛故也故曰 以義則發蒙以恩則包蒙盖家道也堯典於九族不 其惡滋蔓而難圖也故吝 之而九二有男下女之道故納婦吉包蒙納婦无不 司易所齊茂

則刑人亦宜初六之時矣用說桎梏以往小人不懲

六四因蒙各象日因蒙之各獨遠實也 行不順也 六三勿用取女見金夫不有躬无攸利象曰勿用取女 金夫而不有躬其行不順故稱女馬九二納婦吉以 以順為正者婦道也六三舍其正應見九二非禮之 子克家剛柔接也 所納者順也然則行不順之女宜勿用取矣 知得用蒙則无知而已故杏夫得君子者悔斯光室

多好四年全書

こうと 六五重蒙吉象曰重蒙之吉順以巽也 受道 六五晦也以晦求明於理為順六五尊也以鄭求早 教者不告也順則於理為順而巽又有柔損之意馬 禮恭然後可與言道之方辭順然後可與言道之理 實也教者為實學者為虛實固有以分人虛固有以 斯通困蒙之吞以不得君子而親炙之耳故曰獨遂 色從然後可與言道之致故學問之道非順以緊則 12.1 月易 斤季公

在前也剛健而不陷其義不因窮矣需有孚光亨貞吉 位乎天位以正中也利涉大川往有功也 多定四库全書 上九擊蒙不利為寇利禦寇象曰利用禦寇上下順也 蒙之初則蒙之而已蒙之極則碩固矣非擊之不可 下之願而禦之者至故曰不利為冠利禦冠也 判也上九以剛過擊蒙故有為冠之道為冠則逆上 則於道為巽

とこつきへい 故不陷耳使其不知險而犯馬則雖有剛健之才能 卦九五以中需物物之才在上則在下者无俟乎動 也又不可以止也有待而後進則无躁動之嫌馬是 而止者以濟難之任不在我義可以止故也需之成 以須也剛健而不陥非剛健之才不可陷也以能須 乎險中者以濟難之任在我不得不動故也有見險 有知險之德能不進以待者也故於卦為需卦而動 需之為卦險在前也險在前則宜不進以待矣而乾 100 周易所满茂

險而需則始可以沙難而有功也 平施而用物故惟中正而後需道字於天下而光亨 光亨貞吉位乎天位以正中也者言聖人在上而需 陷於險而非有剛健之才則亦无以自達而困窮至 貞吉也利涉大川往有功也者言不以剛健自任知 天下也其需天下也不正而偏不中而倚則不足以 矣故惟剛健而不陥於險其義為不困窮也需有孚 不陷乎險者剛健之才而陷乎險不能无因窮雖不

金丘四母全書

卷二

用恒无谷未失常也 象曰雲上于天需君子以飲食宴樂 初九需于郊利用恒无谷象曰需于郊不犯難行也利 嘉賓所與親者也而忠臣嘉賓所與親者民偕以養 馬則是飲食宴樂雖所及者近而其功實遠也不然 則聖人之所及天下豈止及乎所親者哉 是雨之所潤者狹而其功實廣也飲食宴樂者忠臣 雨之所潤者草木而已而草木之生人取以養馬則

2.10.01 /. L.

周易折清茂

必設險以為固動必行險以為戒則是國者險之所 道甚夷離道而有事則夷且險矣今夫為國家者居 在也故易以郊為遠險之地馬夫遠於險而未容犯 則不知險之為害也又以剛動之才處於下則疑其 之地也以郊為遠乎險則是有事之地為險也蓋大 **險可以解則雖動乎險中可也險不可以解則俟之** 不厭矣而初九最遠乎險故須於郊郊者遠於有事 不能固志故利用恒无咎也

多好四母全書

九二需于沙小有言終吉象曰需于沙行在中也雖小 有言以吉終也 也以近於險故小有言然而寬行在中未當迫險故 寬行而夷易者莫如二之中也故曰需于沙行在中 乾之九二稱寬以居之履之九二稱復道坦坦則是 於遠險者稱郊而於近之者稱沙於迫之者稱泥馬 也人心尤險于川則是險之在人者尤宜遠之也故 稱需於郊則是以國為險也需於沙則是以川為險

12 C. D ... 2 / L. L.

周易新铸瓷

六四需于血出自穴象口需于血順以聽也 敬慎不败也 九三需于泥致冠至象曰需于泥災在外也自我致冠 弟不能遠之故冠至耳解之六三則有道以招之而 九三迫險故需於泥致冠至者非其道有以招之也 以吉終焉 谷歸馬 **冤至也需之九三以敬慎故不败解之六三暴慢故**

多分四母全種

とこうき ここう 九五需于酒食贞吉泉曰酒食贞吉以中正也 ,民也需於酒食則及民矣盖九民莫不有酒食之養 雲上於天則所需方在上而未下也故言飲食宴樂 陰陽之分各襲其情則不至見傷馬各假其位則不 但不得與人君宴樂耳今九五獨言酒食而不言宴 者所需方及朋友故舊兄弟甥男忠臣嘉寫而未及 而需於自失而出自穴也陰見傷則不順以聽矣 至於自失惟陽在下而欲上陰在上而阻下故見傷 問易所奔荒

之客來敬之終吉雖不當位未大失也 上六八于穴有不速之客三人來敬之終吉象曰不速 多好四母全書 六四非衆剛之主也剛來而拒之故出自穴上六來 樂是以知其及民也盖中正盛徳九五尊位故能需 食之道而已非尊位大中弗能兼也 於天下之求无不厭足其分傳曰聖人之道猶中衛 得需於酒之道而已食以致養所謂由頤者得需于 而置轉馬盖需于酒食之謂也酒以合数所謂孫者

涉大川入于淵也 而得中也終运訟不可成也利見大人尚中正也不利 川录日訟上剛下險險而健訟訟有孚室惕中吉剛來 豈至於大失也九三雖 医至猶以故慎而待之而 得 ||| 此下訟有孚室惕中吉然內利見大人不利沙 道也乾剛上進非實也容而已尚以敬待之則終吉 剛之主也剛來而受之故入於穴賓有服意客則適 不敗况三陽為客非究子以敬得吉宜矣 1

銀定四庫全書 訟之為卦險者欲陥健者欲次其情相攻而不相入 之之主以中正為尚也盖兩造之訟聽之不中而倚 是以惕而不終訟也窒惕中吉九二之才也乃若上 此所以為訟而訟貴有孚而見室則可訟然君子之 也涉難必有烝徒之助雖有烝徒之助而不同心協 不正而偏則爱惡不得其平故曰利見大人尚中正 九則窮剛於上是以窮其訟者也故終运訟必有聽 至誠則宜不可檢者也今猶可檢則吾之誠未至數

象曰天與水遠行訟君子以作事謀始 · 與水為泉馬坎為水又為雨取水而不取 雨則以雨 是聖人之於大象取其一而遺其他者各象其類而 奚可哉故曰不利渉大川入于淵也 力亦不可以涉訟方遠行非同心協力之時也涉難 者陰陽之和非訟之義故也猶之同人也柔得位得 已故上剛下險險而健訟之才既成則於二體取天 卦之象九数物若坎為水又為雨雅為火又為日 司易斤再是 ŧ

銀定四庫全書 也雖小有言其辭明也 初六不永所事小有言終吉象曰不永所事訟不可長 乎治循卒乎亂况始之不謀而求其終之無訟乎 為象馬離為火亦為日有取火而不取于日則錯行 中而應乎氧文明以健同人之才既成則取天與火 彼陰而此健所以為訟如彼儉而此以柔也且在訟 非同人之義故也作事謀始所以致無訟之道也 始 初則雖不能无訟亦不永所事小有言而已其有言

歸逋窟也自下訟上患至极也 九二不克訟歸而逋其邑人三百户无青象日不克訟 吉也 也乃六四以剛犯初而其曲在四其雜自明是以終

訟不克乃歸而有其邑則皆且至矣何則下之所以 下宜聽上而不可以訟上自下訟上則犯義矣宜其 不克也二為主于内而二陰附之三百户之邑也往 敢訟上者以附之者衆也往訟不克復歸而有其輔

民定四東全書 一

同易新磷美

六三食舊德貞厲終吉或從王事无成象日食舊德從 上吉也 金罗亚人人 者以心不能不得故思從上以保之也夫失得勿恤 德也者保其所有而已六三之食 舊德是也謂之德 必逃其固有存之邑不敢據而後无眚也 已之眾則上之勢求艾必求其根穴而窮劐之矣故 則往吉无不利今心得其舊徳而思保之則從上而)非所謂從道不從君也故曰或從王事元成

九五歆元吉象曰訟元吉以中正也 失也 九四不克訟復即命谕安貞吉象曰復即命谕安貞不 安貞則其吉宜也訟不至於用師也同人之九四用 剛反柔其義不克也其義而即聽者之命變其貞而 九二不克訟以下犯上其勢不克也九四不克訟以 師尚弗克攻然且反則而吉而况不克訟而復命者

火已口戶心馬 图

周易所游成

敬也 上九或錫之攀帶終朝三號之象曰以訟受服亦不足 訟也 其所守則大人有所不受而訟矣以脂常從人趨取 建中則不可放守正則不可沒有欲放其所建而沒 极则吾之大節丧焉何元吉之得乎此大人所以有 无畝兹固足以示謹然中不得建而校正不得守而 好這而尚憐固足以獲人之與然其與之者非剛而

金月口屋台書

從之吉又何咎矣 泉正可以王矣剛中而應行險而順以此毒天下而民 こう 11111地上師貞丈人吉无谷家曰師衆也貞正也能以 有立也乃柔從攀帶者而已夫以中直相與則其利 斷金人莫能間彼柔從若攀帶者何往而不為順哉 於終朝三穢之亦何足敬哉 終朝三號之夫以訟得其所與者柔從易奪之人至 雖或與之其志不一而人易以奪故曰或錫之攀帶 司易所清荒 ţ

常則亦衆人而已安能正衆哉能為衆正者将也傳 大人者其為長度越於尋常者也盖不能度越於尋 則至眾矣聚而无正則亂故必丈人而後古无咎馬 師之成卦以行險而順也軍制自五而積之至于師 能以象正可以王矣剛中而應帥師之才也行險而 日師能左右之曰以能以聚正則能将之謂也故日 順行師之道也師師而不剛則是以羊将狼不可也 剛而不中是以狼将羊不可也雖剛中而上不應亦

鼓定四庫全書

を二月ま

くこファンニー **象曰地中有水師君子以容民畜聚** 疾故曰以此毒天下其曰无咎者治天下至於用師 民從之也師之行險以除民害猶醫之用毒以攻人 師之所加若時雨降而民悅矣故曰以此毒天下而 而天下是奉以除民害則是行險而順也險而順則 戰危事雖武王不保其必克此天下之至險也行險 则其吉足以補過也 不能行馬故師師之才剛中而應然後善也兵函器 同易所满義 羌

初六師出以律否臧凶象曰師出以律失律凶也 措之乃可以去傷民而除亂眾矣去傷民所以容民 客民畜聚客民者民歸之斯多助矣畜衆則衆聽馬 地之於水能包容而畜止之此師之象也故君子以 用兵者也此之謂也且容民畜聚而師成馬則舉而 斯蓝瓣矣是乃所以為師也尚子曰善附民者乃善 除亂聚所以畜衆也 以不必必之故多兵今其至於用兵則是常以不必

舒定四库全書

以足四華全書 也王三錫命懷萬那也 九二在師中吉无咎王三錫命象曰在師中吉承天龍 太師吹同律以聽軍聲的為失律雖臧凶盖幸之不 勝負吹律以聽馬太史公曰六律為五事根本其於 兵械之興也望敵而知吉內間聲而較勝負故周官 可以為常也 馬則是重造兵也故聖人於用師之初不敢自必其 必之也以不必必之而至於用兵猶且必其勝而往 問易斯講義 Ŧ

六三師或與尸出象曰師或與尸大无功也 師以行險九二中險而居馬在師中者也一柔一 惟畏刑故殺伐欲其約所謂王用出征有嘉析首獲 懷諸侯矣三者衆辭也故聖人於賞則勸於刑則畏 錫命是也 无各用師至於吉无各則天下之難平王可以錫命 仁勇兼具下尊之也為丈人上親之也猶長子故吉 匪其醜者是也惟勸善故錫予則欲其博所謂王三 剛

引りじる

1: 1:1

とこりをとい 六四師左次无谷象曰左次无谷未失常也 亦不能獨退與虎豹熊羆異馬以六三帥師則是主 能通其智而一其力故也師貞夫一則眾不能獨進 **虎豹便捷熊羆多力然而人食其肉而席其革以不** 久于静則頓兵老師非所謂拙速也今左而不為久 乃静正于修井則可以无咎矣師亦不貴夫久于静 師左次元咎猶所謂井甃无咎也井以動出為功今 之不一也師或至于不一之主則凶之道豈有功乎 周易新講義

金好四月生 六五田有禽利執言无咎長子帥師弟子與尸衆曰長 上六大君有命開國承家小人勿用象曰大君有命以 子帥師以中行也弟子與尸使不當也 討則有奉吾解以往者長子可也弟子凶也長子一 行險而順則雖毒天下而民從之六五體順故田有 處則可以无咎矣 禽天子討而不伐故利執言則師出有名矣執言以 人則弟子者聚故也長子謂九二弟子謂六三

■■以上比吉原筮元永貞无咎不寧方來後夫凶彖 日比吉也比輔也下順從也原並元永貞无谷以剛中 正功也小人勿用必亂和也 用惡小人之亂和也 小人則用力此其功也君子則開國承家小人則勿 土列爵也夫君子小人並用惟師為然君子則用! 重矣於是稱大君馬開國承家則猶武成之終而分 慶賞刑威曰君師出有功則既成矣開國承家賞亦 2. ... 1/15 司易所清後 智

也不寧方來上下應也後夫內其道窮也 多定四年全書 永貞言比乎人者也原筮者釋於比不可以不審也 吉也比輔也下順從也言為人之所比者也原筮元 也者言臣鄰比之下順從者言民無則順從而已其 曰下云者臣鄭則有或尊而民無尊也故曰下馬比 今陽得尊位大中有克比之德其吉不亦宜乎比輔 陽夫泰之所以亡以孤立於天下而元或比之故也 比之為卦以二體則水與地比以六爻則五陰比一 卷二

スニリー という 來以上下應故勿亟而來也夫君臣上下同心同德 方然且來比而上六實同體有為婦道而後其夫失 夫道足乎已而為人之所比則歸斯受之而已不擇 陰陽和內則宜也 必有關斷之悔可不原筮乎原筮而得元永貞之人 可也道不足以比乎人方賴人以為養則一失所比 和一而无間則危而求安者何所歸走哉不寧之異 則其仁足依亦且父要而不忘足以无咎也不寧方 司易好养及 Ē

象曰地上有水比先王以建萬國親諸侯 多好四库全書 初六有他吉也 初六有孚比之无咎有孚盈缶終來有他吉象曰比之 先王以親諸侯先王與諸侯親而使諸侯與萬民親 則九州斯共贯矣 而不歸於其極則其異政之國未可謂克比也於是 於為比於是建萬國使民各親其君馬民各親于君 **凡者親也以四海之遠而比乎一人則形隔勢絕難** 卷二 大小り車と 來有他吉也缶之為器其中歷者也以虚受故受而 中孚之初九有他而不燕馬其有他而吉者其相親 故字比之則无各誠有所居以類至故有字盈缶終 比之道時有在初六而已故曰比之初六有他吉也 而有孚以盈之則終來有他吉矣雖然有人者累故 不著以虚應故應而不被人之心若是惟去物之塞 人之所比也水稍可以忠信誠身親之而况於人手 有字比之言比字人也有字盈缶終來有他吉言為 周易所铸瓷

六二比之自內貞吉象曰比之自內不自失也 金以口四五十十 六三比之匪人象曰比之匪人不亦傷乎 其人可比而不比則為失人其人不可比而比之則 雖離內而比外舍近而取遂不為自失矣故曰比之 惡木垂陰志士猶不息也况匪其人而比之乎匪其 自内不自失也 為失已九五有剛中之德其人可比而六二能比之 人而比之相雅入福門也

吉位正中也各逆取順失前禽也邑人不誠上使中也 六四外比之贞吉象日外比于賢以從上也 九五駒比王用三驅失前禽邑人不誠吉象曰顯此之 其日外比于賢者盖賢者所持惟義言六四之於九 六四雖舍正應而比九五然剛柔正而位當故貞吉 **聚也以其舍正應而從義故稱質馬** 五乃義之與比而九五之於六四亦非不義而得義 比與周及者也然盡比之道則周在其中此九五所 · / / · · · Į 引力行者を

我定匹库全書 上六比之无首凶象口比之无首无所終也 若四面之羅使民不得通而致此哉亦用三驅舍逆 聖人能使天下為一家中國為一人既以為一家矣 道而失之非不能也舍逆取順而已邑之寡弱且不 誠而安則其安可知矣此不寧之方所以來也 取順而已惟舍逆取順是以失前禽也禽有可擒之 rt 以能使五陰皆比而為顯比也傳曰使天下莫不順 服從文王之事也王者所以使天下順比服從豈 本二十五十

位而上下應之日小畜健而異剛中而志行乃亨茶雲 不雨尚往也自我西郊施未行也 ──異上小畜亨密雲不雨自我西郊录曰小畜柔得 こ・こう **| 古之級而未及于身者言之** 小畜臣畜君也臣之畜君不得位則勢不得行上下 可无盖录者言乎其象者也言象而无其形故以其 而上六乘馬是无首也首其可无乎夫猶可後首不 而上六後馬是後夫也夫其可後乎既以為一人矣 4 司易所满人

衆姓人咻之則齊語不可得故上下不應不可畜也 **諫之則為犯分故不得位則不可畜也一齊人教之** 剛中而志行乃亨也君雜言而善足也非和也獻 之事而志不行志不行而不可謂亨也故曰健而巽 已非所以為畜也然健而不異剛而過中則有犯上 桑得位而上下應之為小畜者如此而已柔者六四 不應則眾莫能助盖位不在極而匡弼不當諫而輙 之材也才雖柔而其動剛健不剛健則脂常從上而 卷) 二 可

舒定四 库全書

象曰風行天上小畜君子以懿文德 初九復自道)何其咎吉象曰復自道其義吉也 こううこう 替否其和也故畜岩和為有雨之象雨者陰陽和也 於小畜懿文德而已懿言浸以光大不為暴也 中故也自我西郊者以六居而求離其所故也 然猶密雲而不雨者以六四陰雖盛多而交際未及 子曰若養亦子若養餒人言不可以暴為也故君子 以臣畜君其勢為難可以暴為之乎巽為之畜妄前 司易新隣後 喜

九二牵復吉象曰牽復在中亦不自失也 掠美之嫌不如勿彰之為義也今曰吉引君之迹不 適,堯舜文王者為正道非堯舜文王者為他道正他 引其君當於道者臣之職然而彰其引之之迹則有 引其君使復則君臣之義不為无傷惟不見所以引 彰故也夫君唱而臣和君行而臣隨君臣之義也今 之迹是以於君臣之義兄傷而吉也 之間不知謹則舍正而適他矣乃挽而回之不至乎

多定四库全書

THE PLANT THE PLANT 九三與說輻夫妻及目象曰夫妻及目不能正室也 迹矣有牵之之迹則於唱和隨行之義傷矣弟以牽 以不自失也九三所畜者剛過畜之則上有所不受而 而復之道者也 而能復又且在中得不自失而已首况所謂以得君 遂往而反此牽復之說也然謂之牽則既有牽之之 義吉也九二所畜者雖剛而剛得中且畜之于中馬是 初九所畜者既柔而其柔文正且畜之於初馬是以其 周易折請義

六四有孚血去惕出无咎象曰有孚惕出上合志也 おとり口では ノンゴー 矣將以為和故有夫婦之道失其和則有夫婦及目之 志斯可以畜故曰有孚惕出上合志也 當三陽之進則无不傷矣故稱血馬惕出而與上合 六四柔而能畜以有為之助者也莫或助之而以柔 則牽之於前亦可也以剛過則載之于下猶不可也畜 下之志不行矣故有與脫輻之象馬與載上者也以剛中 **象稱妻者言夫婦不順也首况所謂諫非而怒之者也**

既雨既處徳積載也君子征运有所疑也 九五有字學如富以其鄰象曰有字學如不獨富也 上九既雨既處尚德載婦貞厲月幾望君子征凶象曰 交如者两相交也學如則眾矣故富以其鄰鄰亦眾 意也盖以臣畜君非合衆力不能故曰有爭擊如不 上九畜道成之時也故言既處者畜成而功已濟也 所以富也 獨富也富臣得君也澤加於民而可大之業成馬是

Dell'S and Lines

用易新磷成

克

其功已濟於是既處而復往所載義也如此則其載 望而征 求其明亢而與自馬則終其魄而已時乃天 道君子能遠天子故曰君子征內有所疑也 乘者无為也東西南北惟載者之從耳婦道如是則 厲矣故曰婦貞厲月幾望者言陰盛也君臣之分君 上非尚力者也尚德載者也雖尚德載然謂之載則 行先臣從後豐之初九所以雖自无咎者以在下而 已位極上九以畜為事則雖幾望猶不可况旬乎幾

金岁四月月月

乎乾是以履虎尾不咥人亨剛中正履帝位而不疚光 ■· 九上履虎尾不咥人亨录曰優柔復剛也說而應

明也

報迹有報述所謂畫地而越也畫地而越亦已始矣

老子曰善行者兄轍迹聖人之遊人間世不欲其有

而優者迹所出也是以聖人之於履常若復虎尾然

也然能以說應之是以亨馬乾健而不可犯虎之象 也獲而不見咥者為其以柔履剛而應乎乾所以亨

- 周易斯游義

- とこりまという

哉在下以柔優正則和說而能以 履位矣上雖宜以 曲者也其說不如是則為顛為躓為傾為失何能亨 節也故曰剛巽乎中正而志行九四以柔麗乎中正 考之聖人之所謂說者剛中而柔外所謂內直而外 也聖人之所謂說者非務可人心而為柔從也以卦 於人猶耳之有充目之有翳雖有光明之資亦為之 故亨剛以中順為節則小人不得為之疾矣小人之 剛健然不可過而恃乎已當以中正而符乎剛柔之

金女四月在書

とこりえ へい 初几素履往无咎象日素履之往獨行願也 **象日上天下澤優君子以群上下定民志** 也 有取於上天下澤者澤有說意使民說於下志所定 聖人的其志故善下聚人強其志故好陵也非群 敬矣不疚于小人則光明自若也優非特貴賤優位 下以定之則志莫定矣天地尊甲是以群上下而象 矣君子小人各履位故其言及此 問易所将先

多好四母生書 九二顏道坦坦幽人貞吉象曰幽人貞吉中不自亂也 得阻之所礙也理人之道散而成章則能使天下文 明馬合而成體則非徒天下之無文也吾亦將素履 中也故曰優道坦坦言安行而不為險之所陷前不 優而已夫優不處也雖无與為偶亦獨行其願不如 近君而不得中則有題想之懼其失位在下則為素 近君而不得中則有熟熟之懼九二遠于君而又得 是則素隐者也非素優也

曰助能視不足以有明也跛能履不足以與行也咥人 六三眇能視跛能履履虎尾咥人占武人為于大君象 之玄位不當也武人為于大君志剛也 者也故歸妹之九二則為眇能視初九之不中則為 亦非徒天下之不明也吾亦且為幽人貞吉者以中 跛能履復之六三既不正又且 不中故眇能視跛能 視欲正視而不正則眇者也行欲中行而不中則跛 不自亂无遜言屈身之事故也

E .. 17 ... 1. 1. 1. 1.

周易新请表

九四優虎尾愬愬終吉象曰愬愬終吉志行也 有明也初九獨行願則无與行而已跛能獲則不足 優兼馬九二幽人則不自明而已則能視則不足以 復以広害為恤哉 於大君而不足言山則以武人者行事于凶者也豈 足以見微其行不足以經遠志剛而已早是武人為 則避難不速矣是以優虎尾遇咥人之凶也其明不 以與行也不足以有明則見險不察矣不足以與行

金分四月五十

COURT ALLE 九五共復貞厲象曰夬復貞厲位正當也 應之以說而得亨履之能懼而終吉是說之道无往 位正當也蓋履者以柔優以說應而九五以剛决其 夬之所以决 者以桑上乘而不履位也今剛柔優位 不至於古也六三之当以位不當九五之屬而已以 則无所事决矣而九五循以夬履是于贞為厲也厲 而不入懼之道无往而不克也 九四處乾體之末優虎尾者也虎至暴而不可犯然 Į 同易所消耗 7

是天地交而萬物通也上下交而其志同也内陽而 外 上九視優考祥其旋元吉象曰元吉在上大有慶也 隂以息迹是以其旋元吉而象以謂大有慶也 祥祥在天者也以言考祥則以謂履在下而應在上 上九優道成矣聖人之于成也欲優省馬故視優考 有咥人之」也惟位正當是以有厲也 不可不戒懼也夫優者迹之所出惡迹愈走不如及 卷二

多方四母全書